



Universitätsbibliothek Paderborn

Antidota Evangelica Contra Horvm Temporvm Hæreses

In Qvibvs Quatuor Euangeliorum illi textus explicantur, quibus vel hæretici
hodie (maximè Caluinus & Beza) ad sua dogmata propugnanda vti solent,
vel ad hæreticorum dogmata impugnanda Catholici vti possunt

Stapleton, Thomas

Lvgdvni, 1595

28. Domine, si tu es, iube me ad te venire.

urn:nbn:de:hbz:466:1-39463

deantur: de quo infra cap. 26. plura dicimus.

28. Domine, si tu es, iube me ad te venire.

Quum Petri fidem hoc loco omnes interpretes laudent & admirentur, ipsaque res gesta & Christi approbatio proclamat, sed & singularem Petri prærogatiuam supra cæteros Apostolos, quod solus super aquas ambulans ad Christum peruenit, veteres Patres obseruent, S. Chrysost. hom. 57. Petri fides & Bernard. lib. 2. de considerat. ad Eugenium: vnuis Caluinus, defenditur. qui cum aliis hodie hæreticis omnia Petri præclara facta & dicta vel traducere vel extenuare conatur, incredulitatem in eo & temeritatem arguit. Incredulitatem arguit, quia postquam Christus dixerat, Ego sum, Petrus tamen dubius & perplexus dicat. Si tu es, Sed illam vocem non dubitantis fuisse, verum maximè credeuntis & confidentis, illud adiunctum manifestè ostendit, Iube me ad te venire super aquas. Nulla enim fortior esse fides potuit, quam iubente Christo, quis se committere ut super eas ambulet. Nec ullus opinor hodie hæreticus qui solam fidem semper venditat, à Christo iustus hoc facere, idem tentare veller. Quare illud, Si tu es, idem significare potest, quod, quia tu es, ut saepe alibi in Scripturis. Infra cap. 19. Si ita est causa hominis, id est, quia sic se res habet in matrimonio ut dicas: Si tamen iustum est, id est, quia iustum est: 2. Thes. 1. Si passibilis Christus, si primus ex resurrectione mortuorum, id est, quia vel quod passibilis erat Christus, &c Deinde si propriè accipiat, non tamen dubitantis animum, sed maioris habenda certitudinis affectum demonstrat: ut illud beatissimæ virginis, Quomodo mihi fiet istud? ad quæ verba ipse Caluinus Luc. 1. ita scribit. Sciendum est non ita dubitare vel sciscitari ut sensibus suis Dei potentiam vel subijcere vel æquare velit, tantum à seipso res subita admiratione perculta ad mouēdam hanc questionem rapitur. Hæc ille. Eodem in Petri verbis candore vti oportuit. Videns enim tam inusitatum spectaculum, Christum super aquas ambulare, dicendo, Si tu es, non ita dubitauit ut sensibus suis Dei potentia qua homo super aquas ambularet, vel subijceret vel æquaret: tantu subira illa admiratione perculsus (erant enim omnes turbati, & præ timore clamauerūt, existimantes phantasma esse) ad experimentum istius præsentiae Christi petendū rapitur: ut ex eis sanè fortior ac firmior in fide, non ut præ aliis magis dubitans. Quare impiè subiuxit Caluinus. In fide tam exigua & debili erumpit parvū considerati voti ardor, Iube me venire super aquas. Christus enim hoc

F 5

non ut inconsiderati voti ardorem reprehendit, sed ut præstantissimæ fidei præclarū testimoniū approbavit, iubēs eum ad se venire super aquas, quod & de facto Petrus præstis, ambulās super aquas ut ad Christū veniret. Cæterum ad hanc tam luculentam Christi approbationem vide quid cauilletur Galuinus. Deus plerumque nobis prospicit, negando quod perimus, aliquando autem nobis est facilis, ut ipsa experientia stultitiae nostræ nos melius cōuincat. Hæc ille, ut doceat ideo Christum voto Petri facile annui se, ut ipsa postea experientia stultitiae suæ Petru conuinceret: nempe quia paulo post submergi cœpit. Sed primum aduerte hoc cauillandi modo omnia pitorum vota quibus Deū annuisse in Scripturis legimus, temeritatis quoque damnari posse. Nempe si cum Caluino dicamus Deū facile illis annuisse, ut ipsa experientia stultitiae suæ eos conuincat. Cæterum teneendum est, Deū, tametsi electorum suorum piis ac laudabilibus votis non semper annuat (quod divini sui consilij secretum est, qui infinitè melius nouit quid nobis, & quando ac quomodo expediatur, quam nos ipsi), stultis tamen & ineptis eorum votis nullo modo annuerit. Itud enim esset stulta vota approbare. Vnde etiam sequitur, hanc ambulationem Petri super aquas, quā Christus primo verbo concessit, & quæ per senon nisi curiosa quædam & inutilis actio videtur, aliquid mysticū & in ipso Petro singulare denotare debuisse; prout Patres suprà notati obseruarunt. Neq; verò Petri postea periculū quā lo submergi cœpit, prioris voti inconsiderantiā, aut prioris fidei imbecilitatē arguit, sed propter nouā, ingentē ac vehementē temptationē, nouā fidei defectionē atque immunitiōē demōstrabat. Videns enim ventū validū, ait textus, timuit, id est, a priori sua confidentia defecit: & sic mergi cœpit. Quare Christus cū modicā fidei appellari; modicæ videlicet respectu prioris, quæ multo maior erat, quando nec yndas nec vētos formidauit, ambulans super aquas. Tentatio quippe fidē probat, an constans & firma permanere velit. Nec qui temptationi succumbit, nullā propterea aut modicā semper fidē prius habuisse cōuincitur, sed in fide non permanisse plerūque ostenditur. Cæterum totā hanc nouam procellam nouāmque temptationem propter quam timuit Petrus, dissimulat prorsus impius Caluinus, ut hunc Petri timorem & periculum subsequens ex priori incredulitate & timore ortum accepisse persuadeat. Ait enim quod temeritatis sue pœnas dare hic Petrus incepit. Dicit dubitationem eius fuisse directe fidei contrariam. Denique vanum

Deus stultis suorum votis non annuit.

Caluini dolus malus.

cīus

cius peruersumq; timorem vocat. Sic totam hanc historiam Euange*icam*, ne aliqua singularis fidei commendatio in Pe-
tro appareret, homo impius corrūpit atque peiuertit. Quod
tamen ad eius singularem cōmendationem Matthæus scri-
psit, Marcus verò qui Christi ambulationē super mare com-
memorat, hoc Petri admirabile factum more suo tacuit, vt
cætera omnia quæ pro Petri prærogatiua faciunt: ipso hor-
tante Petro, qui Marci Euangelium vidit & approbauit, ut *Homil. 59.*
in Matth.
notat B. Chrysostomus.

36. *Et rogabant eum ut vel fimbriam vestimenti eius tangerent. Et quicunque tetigerunt, salui facti sunt.*

Displicuit vehementer hæc narratio Caluino, & iuxta commentarium quem adsevit, facile apparet, si Matthæi loco fuisset, vniuersam hanc historiam altissimo silentio inuoluente eum voluisse. Sic enim ad hæc verba scribit. *Credi-*
bile est superstitione aliqua fuisse implicitos quum ad tactum taxat quod
vestis restringerent Christi gratiam: saltem illum fraudabant Euangeli-
onis sui parte, quum nihil virtutis sperarent ex simplici eius
verbo. Sed ne lignum fumigans extinguat, sese accommodat eo-
rum ruditati. Hæc ille, pessimo suo fermento totam historiæ
huius Euangelicæ massam corruptens. Diuus enim Mat-
thæus volens ex propposito ostendere, quanta iam esset Chri-
sti redemptoris nostri existimatio & fama, quantaque popu-
li illius loci circa lacum Genesareth, vbi plurimum versaba-
tur, fides & deuotio erga Christum; sic de illis scribit. Et cum
cognouissent viri loci illius, miserunt in vniuersam regionem il-
lam, & obtulerunt ei omnes male habentes. & rogabant eum ut
vel fimbriam vestimenti eius tangerent, &c. Quid? An impius
Caluinus hoc quoque superstitioni deputabit, quod mitten-
tes in vniuersam regionem, obtulerunt ei omnes male habentes?
At D. Petrus hoc in singularem Christi laudem commemo-
ravit, prædicans fidem Centurioni & eius familiae gentium *Historia*
primitiis, quod pertransit benefaciendo, & sanando omnes ea defen-
oppressos à diabolo. Quod si verò prior narrationis pars fa-
ctum commemorat superstitione carēs, quomodo posterior *Euangeli-*
pars factum narrabit superstitione plenum? Deinde an solet *ca defen-*
Christus aliorum ruditati sic se accommodateare, ut facta su-
ditur.
Alt. 10.
1.
2.
superstitiosa non solum toleret, sed & miraculis beneficis ho-
noret?